



**სსიპ ბათუმის შოთა რუსთაველის
სახელმწიფო უნივერსიტეტი**

25 აგვისტო, 2025 წ.

ბრძანება № 01-02/162

**ბსუ-ს სპეციალური მასწავლებლის მომზადების საგანმანათლებლო პროგრამაზე
2025-2026 სასწავლო წლისათვის მიღების გამოცხადების შესახებ**

„უმაღლესი განათლების შესახებ“ საქართველოს კანონის 22-ე და 47⁸ მუხლების, „პირის სპეციალური მასწავლებლის მომზადების საგანმანათლებლო პროგრამაზე მიღების წესის დამტკიცების თაობაზე“ საქართველოს განათლების, მეცნიერებისა და ახალგაზრდობის მინისტრის 2024 წლის 1 ივლისის №113/ნ ბრძანების, „2025-2026 სასწავლო წლისათვის ბსუ-ს სპეციალური მასწავლებლის მომზადების საგანმანათლებლო პროგრამაზე მისაღები კონტინგენტის განსაზღვრის შესახებ“ ბსუ-ს აკადემიური საბჭოს 2025 წლის 22 ივლისის №06- 01/64 დადგენილების, ბსუ-ს ზუსტ მეცნიერებათა და განათლების ფაკულტეტის დეკანის სამსახურებრივი ბარათების (N841762, 08/07/2025; N998589, 19/08/2025) საფუძველზე,

ვ ბ რ ძ ა ნ ე ბ :

1. 2025-2026 სასწავლო წლისთვის გამოცხადდეს მიღება ბსუ-ს ზუსტ მეცნიერებათა და განათლების ფაკულტეტის სპეციალური მასწავლებლის მომზადების საგანმანათლებლო პროგრამაზე (60 კრედიტი), ბსუ-ს აკადემიური საბჭოს დადგენილებით განსაზღვრული კონტიგენტის ფარგლებში (30 ადგილი).
2. აპლიკანტთა რეგისტრაცია განხორციელდეს 2025 წლის 02 სექტემბრიდან 10 სექტემბრის ჩათვლით (შაბათ-კვირის გარდა) 12:00 საათიდან 16:00 საათამდე (რეგისტრაციის ადგილი: ქალაქი ბათუმი, რუსთაველის/ნინოშვილის ქუჩა 32/35, ბსუ-ს N2 კორპუსი, №213 ოთახი).
3. აპლიკანტმა რეგისტრაციისთვის უნდა წარმოადგინოს შემდეგი დოკუმენტაცია:
 - ა) განცხადება და ანკეტა (შევსებული №1 დანართის და №2 დანართის შესაბამისად);
 - ბ) პირადობის მოწმობის ასლი;
 - გ) ბაკალავრის/მაგისტრის და/ან მასთან გათანაბრებული აკადემიური ხარისხის დამადასტურებელი დიპლომისა და დანართის დამოწმებული ასლი (ბსუ-ს კურსდამთავრებულისათვის უნივერსიტეტის/შესაბამისი ფაკულტეტის მიერ, ხოლო სხვა შემთხვევაში - ნოტარიულად დამოწმებული ასლი; 2025 წლის კურსდამთავრებულთათვის - ცნობა აკადემიური ხარისხის მინიჭების თაობაზე);
 - დ) ფოტოსურათი, ზომით 3X4-ზე;
 - ე) სამხედრო აღრიცხვაზე ყოფნის დამადასტურებელი დოკუმენტის ასლი (სამხედრო აღრიცხვას დაქვემდებარებული პირებისთვის).
 - ვ) ცნობა საგანმანათლებლო ინსტიტუციებიდან (სკოლები, სკოლამდელი აღზრდის დაწესებულებები და ა.შ.), დღის ცენტრებსა და ანალოგიურ დაწესებულებებში სწავლების არანაკლებ 2-წლიანი გამოცდილებით;
 - ზ) ინფორმაცია საბაზო პროფესიული უნარების გამოცდის ჩაბარებისა და მიღებული ქულის შესახებ (ამონარიდი შეფასებისა და გამოცდების ეროვნული ცენტრის ელექტრონული პორტალიდან).

4. მისაღები გამოცდა ჩატარდეს 2025 წლის 12 სექტემბერს, წერიტი ფორმით (მაქსიმალური შეფასება - 100 ქულა, მინიმალური ზღვარი - 51 ქულა) ბსუ-ს საგამოცდო ცენტრში (მისამართი: ქ. ბათუმი, ფიროსმანის ქუჩა №12), პირველი ცვლა: გამოცდის დაწყების დრო - 10⁰⁰ სთ, დასრულების დრო - 13⁰⁰ სთ, მეორე ცვლა: გამოცდის დაწყების დრო - 14⁰⁰ სთ, დასრულების დრო - 17⁰⁰ სთ.

4.1. მისაღები გამოცდის შედეგები გამოცხადდეს ბსუ-ს ვებგვერდზე 2025 წლის 15 სექტემბერს (აპლიკანტების პირადი ნომრების მითითების გარეშე);

4.2. საპრეტენზიო განცხადება (არსებობის შემთხვევაში) წარმოდგენილი იქნეს 2025 წლის 16 სექტემბერს, ბსუ-ს საქმისწარმოების სამსახურში (კანცელარია), ბსუ-ს N1 კორპუსში (ქ. ბათუმი, ნინოშვილის/რუსთაველის ქ. N35/32, N1 ოთახი);

4.3. საპრეტენზიო განცხადებების განხილვა მოხდეს 2025 წლის 17 სექტემბერს;

4.4. ბსუ-ს სპეციალური მასწავლებლის პროგრამაზე მისაღები გამოცდის საბოლოო შედეგები გამოქვეყნდეს ბსუ-ს ვებგვერდზე 2025 წლის 17 სექტემბერს.

5. მისაღები გამოცდის საბოლოო შედეგების დაინტერესებულ მხარეთათვის საქართველოს კანონმდებლობით დადგენილი წესით გაცნობის შემდეგ, ზუსტ მეცნიერებათა და განათლების ფაკულტეტის/სასწავლო პროცესის დეპარტამენტის მიერ შეიქმნას რანჟირების დოკუმენტი, სპეციალური მასწავლებლის მომზადების საგანმანათლებლო პროგრამაზე გამოცხადებული ადგილების რაოდენობისა და ბსუ-ში ჩატარებულ გამოცდაზე აპლიკანტთა მიერ მიღებული ქულების შესაბამისად.

6. ბსუ-ს სპეციალური მასწავლებლის მომზადების საგანმანათლებლო პროგრამაზე აპლიკანტთა ჩარიცხვის შესახებ ბსუ-ს რექტორის ბრძანება გამოიცეს რანჟირების დოკუმენტის საფუძველზე, სპეციალური მასწავლებლის მომზადების საგანმანათლებლო პროგრამაზე ჩარიცხვის უფლებამოსიერებულ პირებთან ხელშეკრულებების გაფორმებისა და შესაბამისი დოკუმენტაციის წარმოდგენის შემდეგ.

7. რანჟირების დოკუმენტის საფუძველზე ბსუ-ს სპეციალური მასწავლებლის მომზადების საგანმანათლებლო პროგრამაზე ჩარიცხვის უფლებამოსიერებულ პირებთან ხელშეკრულებები გაფორმდეს 2025 წლის 18 სექტემბერს, 11:00 საათიდან 17:00 საათამდე (ხელშეკრულების გაფორმების ორგანიზება უზრუნველყოს აპლიკანტთა დოკუმენტაციის მიმღებმა კომისიამ, ქალაქი ბათუმი, რუსთაველის/ნინოშვილის ქუჩა 32/35, ბსუ-ს N2 კორპუსის №213 ოთახში).

8. ბსუ-ს სპეციალური მასწავლებლის მომზადების საგანმანათლებლო პროგრამაზე ჩარიცხვის შესახებ ბსუ-ს რექტორის ბრძანება გამოიცეს არაუგვიანეს 2025 წლის 23 სექტემბრისა, ზუსტ მეცნიერებათა და განათლების ფაკულტეტის დეკანის მიერ წარმოდგენილი სამსახურებრივი ბარათის საფუძველზე.

9. შეიქმნას აპლიკანტთა განცხადების/ანკეტის და სხვა დოკუმენტაციის მიმღები კომისია, ასევე საგამოცდო და საპრეტენზიო კომისიები, წინამდებარე ბრძანების №3 დანართის შესაბამისად და თავიანთი უფლებამოსილებები განახორციელონ „პირის სპეციალური მასწავლებლის მომზადების საგანმანათლებლო პროგრამაზე მიღების წესის დამტკიცების თაობაზე“ საქართველოს განათლებისა და მეცნიერების მინისტრის 2024 წლის 1 ივლისის №113/ნ ბრძანების, ბსუ-ს აკადემიური საბჭოს 2015 წლის 8 ოქტომბრის №111 დადგენილებით დამტკიცებული „ბსუ-ს სასწავლო პროცესის მარეგულირებელი წესისა“ და ამ ბრძანების შესაბამისად.

10. წინამდებარე ბრძანების აღსრულების მიზნით ბსუ-ს სპეციალური მასწავლებლის მომზადების საგანმანათლებლო პროგრამის ხელმძღვანელმა/ფაკულტეტის ადმინისტრაციამ უზრუნველყოს:

ა) ბსუ-ს სპეციალური მასწავლებლის მომზადების საგანმანათლებლო პროგრამაზე მიღების გამოცხადების შესახებ განცხადების ტექსტის მომზადება და გამოცდის ჩატარების ფორმატისა და სხვა დამატებითი ინფორმაციის ბსუ-ს ვებგვერდზე განთავსების ორგანიზება;

ბ) ბსუ-ს სპეციალური მასწავლებლის მომზადების საგანმანათლებლო პროგრამაზე ჩარიცხვის ბრძანების საქართველოს განათლების, მეცნიერებისა და ახალგაზრდობის სამინისტროში გაგზავნის კოორდინაცია, არაუგვიანეს 2025 წლის 1 ოქტომბრისა.

11. სასწავლო პროცესის დეპარტამენტმა უზრუნველყოს ბსუ-ს სპეციალური მასწავლებლის მომზადების საგანმანათლებლო პროგრამაზე ჩარიცხული პირების შესახებ ინფორმაციის საჯარო სამართლის იურიდიული პირი – განათლების მართვის საინფორმაციო სისტემაში ელექტრონულად გაგზავნა, 2025 წლის 7 ოქტომბრის ჩათვლით.

12. დაევალოს საქმისწარმოების სამსახურს (კანცელარია) ბრძანება განათავსოს სამსახურთან და შესაბამის ფაკულტეტთან არსებულ საინფორმაციო დაფებზე.


13. დაევალოს საინფორმაციო ტექნოლოგიების სამსახურს ბრძანება განათავსოს ბსუ-ს ვებგვერდზე (ველში „კონკურსები“, რექტორის ბრძანებებში და ასევე ზუსტ მეცნიერებათა და განათლების ფაკულტეტის ველში).

14. ბრძანება დაეგზავნოს ბსუ-ს რექტორის მოადგილეს სასწავლო და სამეცნიერო მიმართულებით (გ. ქათამაძე), ბსუ-ს ხარისხის უზრუნველყოფის სამსახურს, ბსუ-ს ადმინისტრაციის ხელმძღვანელს, ბსუ-ს ზუსტ მეცნიერებათა და განათლების ფაკულტეტს, ბსუ-ს სასწავლო პროცესის დეპარტამენტს, ბსუ-ს საინფორმაციო ტექნოლოგიების სამსახურს, ბსუ-ს იურიდიულ დეპარტამენტს, ბსუ-ს საქმისწარმოების სამსახურს (კანცელარია), ბსუ-ს საზოგადოებასთან ურთიერთობის სამსახურს.

15. ბრძანება ძალაშია გამოცემისთანავე.

16. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

ბსუ-ს რექტორი



ტიტე აროშიძე

„ბსუ-ს სპეციალური მასწავლებლის მომზადების საგანმანათლებლო
პროგრამაზე 2025-2026 სასწავლო წლისათვის მიღების გამოცხადების შესახებ“
ბსუ-ს რექტორის 2025 წლის 25 აგვისტოს №01-02/162 ბრძანების

დანართი 1.

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის რექტორს

(აპლიკანტის სახელი, გვარი და პირადი ნომერი)

(მისამართი, ტელეფონი, ელ. ფოსტა)

გ ა ნ ც ხ ა დ ე ბ ა

სურვილი მაქვს სწავლა გავაგრძელო საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის ზუსტ მეცნიერებათა და
განათლების ფაკულტეტის სპეციალური მასწავლებლის მომზადების
საგანმანათლებლო პროგრამაზე.

_____ „_____“ „_____“ 2025
წელი აპლიკანტის ხელმოწერა

„ბსუ-ს სპეციალური მასწავლებლის მომზადების საგანმანათლებლო
პროგრამაზე 2025-2026 სასწავლო წლისათვის მიღების გამოცხადების შესახებ“
ბსუ-ს რექტორის 2025 წლის 25 აგვისტოს №01-02/162 ბრძანების

დანართი 2.

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის
სპეციალური მასწავლებლის მომზადების საგანმანათლებლო
პროგრამაზე ჩარიცხვის მსურველი
აპლიკანტის ანკეტა

სახელი -----

გვარი -----

დაბადების თარიღი ____/____/____

რიცხვი თვე წელი

პირადი ნომერი -----

ფაქტობრივი მისამართი -----

რეგისტრაციის მისამართი -----

სქესი: ☐ მამრობითი ☐ მდედრობითი

მობილური/ტელეფონი -----

ელ-ფოსტა: -----

ფაკულტეტი -----

საგანმანათლებლო პროგრამა -----

სამუშაო გამოცდილება:

დაწესებულების დასახელება	დაკავებული პოზიცია	ხანგრძლივობა

საბაზო პროფესიული უნარების გამოცდა (ჩაბარებული გამოცდების ეროვნულ
ცენტრში) -----

მიღებული განათლება :

უმაღლესი საგანმანათლებლო დაწესებულების დასახელება	ფაკულტეტი, საგანმანათლებლო პროგრამა	კვალიფიკაცია	სწავლის პერიოდი

რომელ ენებს ფლობთ?

ამჟამად ხართ თუ არა რომელიმე უმაღლესი/ზოგადსაგანმანათლებლო დაწესებულების სტუდენტი/მასწავლებელი? (დადებითი პასუხის შემთხვევაში, მიუთითეთ შესაბამისი საგანმანათლებლო დაწესებულება და სტატუსი)

ვადასტურებ წინამდებარე ანკეტაში მითითებულ ინფორმაციისა და რეგისტრაციისათვის წარმოდგენილი დოკუმენტაციის სისწორეს. ჩემთვის ცნობილია ბსუ-ს სპეციალური მასწავლებლის მომზადების საგანმანათლებლო პროგრამაზე მიღებისა და სწავლის პირობები.

(აპლიკანტის ხელმოწერა)

(აპლიკანტის რეგისტრაციაზე პასუხისმგებელი პირის ხელმოწერა)

თარიღი

„ბსუ-ს სპეციალური მასწავლებლის მომზადების საგანმანათლებლო
პროგრამაზე 2025-2026 სასწავლო წლისათვის მიღების გამოცხადების შესახებ“
ბსუ-ს რექტორის 2025 წლის 25 აგვისტოს №01-02/ 162 ბრძანების

დანართი №3

2025-2026 სასწავლო წლისათვის

ბსუ-ს ზუსტ მეცნიერებათა და განათლების ფაკულტეტის
სპეციალური მასწავლებლის მომზადების საგანმანათლებლო პროგრამაზე
აპლიკანტთა დოკუმენტაციის მიმღები კომისია

1. მაია მალულარია - ბსუ-ს ზუსტ მეცნიერებათა და განათლების ფაკულტეტის დეკანის ოფისის სპეციალისტი;
2. ქეთევან თადუმაძე - ბსუ-ს ზუსტ მეცნიერებათა და განათლების ფაკულტეტის პედაგოგიურ მეცნიერებათა დარგობრივი დეპარტამენტის სპეციალისტი;
3. ნაირა სარჯველაძე - ბსუ-ს ზუსტ მეცნიერებათა და განათლების ფაკულტეტის მათემატიკის დარგობრივი დეპარტამენტის სპეციალისტი.

ბსუ-ს სპეციალური მასწავლებლის მომზადების საგანმანათლებლო პროგრამაზე
მისაღები საგამოცდო კომისია

1. ბსუ-ს ზუსტ მეცნიერებათა და განათლების ფაკულტეტის ასოცირებული პროფესორი ნატო შეროზია - კომისიის თავმჯდომარე;
2. ბსუ-ს ზუსტ მეცნიერებათა და განათლების ფაკულტეტის პროფესორი ლელა თავდგირიძე - კომისიის წევრი;
3. ბსუ-ს ზუსტ მეცნიერებათა და განათლების ფაკულტეტის პროფესორი ნანა მაკარაძე - კომისიის წევრი;
4. ბსუ-ს ზუსტ მეცნიერებათა და განათლების ფაკულტეტის ასოცირებული პროფესორი ნანი მამულაძე - კომისიის წევრი;
5. ბსუ-ს ზუსტ მეცნიერებათა და განათლების ფაკულტეტის ასოცირებული პროფესორი ქეთევან შოთაძე - კომისიის წევრი;
6. ბსუ-ს ზუსტ მეცნიერებათა და განათლების ფაკულტეტის ასოცირებული პროფესორი მარინე გურგენიძე - კომისიის წევრი;
7. ბსუ-ს ზუსტ მეცნიერებათა და განათლების ფაკულტეტის ასოცირებული პროფესორი დარეჯან გელაძე - კომისიის წევრი;
8. ბსუ-ს ზუსტ მეცნიერებათა და განათლების ფაკულტეტის ასისტენტ პროფესორი მაია ბოლქვაძე - კომისიის მდივანი.

ბსუ-ს სპეციალური მასწავლებლის მომზადების საგანმანათლებლო პროგრამაზე
აპლიკანტების საჩივრების განმხილველი
საპრეტენზიო კომისია

1. ბსუ-ს ზუსტ მეცნიერებათა და განათლების ფაკულტეტის პროფესორი ლელა თურმანიძე - კომისიის თავმჯდომარე;
2. ბსუ-ს ზუსტ მეცნიერებათა და განათლების ფაკულტეტის ასოცირებული პროფესორი მადონა მიქელაძე- კომისიის წევრი;
3. ბსუ-ს ზუსტ მეცნიერებათა და განათლების ფაკულტეტის ასოცირებული პროფესორი ნინო სამნიძე - კომისიის მდივანი.